



ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

29 ՍԵՊՏԵՄԲԵՐԻ, 2015 թ.
№ 11 (981)

Թերթի առաջին համարը լույս է տեսել 1965 թ. մարտի 11-ին
երկշաբաթաթերթ • հրատարակման 50 -րդ տարի

ԽԱՉԱՏՈՒ ԱԲՈՎՅԱՆԻ ԼՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐԹ



Մանկավարժական համալսարանի ռեկտոր Ռուբեն Միրզախանյանը հանդիպեց «Ամառային դպրոց 2015» ծրագրի մասնակիցների հետ՝ համատեղ քննարկելու ծրագրի արդյունքները, դրա վերաբերյալ մասնակիցների դիտարկումներն ու առաջարկները:
Ռուբեն Միրզախանյանը նկատեց, որ Մանկավարժական համալսարանի արտասահմանյան գործընկերները գոհ են եղել բուհի ուսանողների մասնակցությունից: Ռեկտորը նշեց, որ նման ծրագրերին մասնակցությունը ուսանողներին պետք է նոր լիցքեր հաղորդի ուսումնական նոր տարում:

Հանդիպում «Ամառային դպրոց 2015» ծրագրի մասնակիցների հետ

«Բուհը հետապնդում է բազում նպատակներ և ծրագրեր, պետք է ձգտենք դրանք իրականացնել՝ պահպանելով մեր ազգային պատկանելությունը, հնարավորինս օգտակար լինենք հայրենիքին և հայրենի կրթական համակարգում ամրագրենք նոր ձեռքբերումները»,- ասաց Ռուբեն Միրզախանյանը և հավելեց, որ կրթական համակարգի զարգացումները ենթադրում են կրթություն ստանալ նաև դրսում, սակայն հույս հայտնեց, որ դրսում ստացած գիտելիքները կնպաստեն ազգային խնդիրների լուծմանն ու պետության զարգացմանը:

➤2

➤2

Խ. Աբովյանի անվան հայկական պետական մանկավարժական համալսարանի հենակետային վարժարանում (ավագ դպրոցում) 2015-2016 ուսումնական տարին դիմավորեցին լիարժեք համալրված աշակերտական և ուսուցչական համակազմով:

Յունանիտար, մշակութային և ֆիզիկամաթեմատիկական հոսքերում սովորելու համար այս ուսումնական տարում վարժարան է դիմել 100 աշակերտ:

Մանկավարժական համալսարանի թիվ 57 հիմնական դպրոցում այս ուսումնական տարում առաջին դասարան է ընդունվել 36 աշակերտ: Առաջին անգամ դպրոցի շեմին ոտք դրած աշակերտների համար բացվել է երկու առաջին դասարան: Իսկ դպրոցում սովորող աշակերտների թիվը 210 է, որը գերազանցում է նախորդ տարիների թվաքանակը:

➤2

Կոնեկտիկուտի համալսարանի բարձրագույն պարզևը՝ ՀՊՄԸ ռեկտորին

Սեպտեմբերի 9-10-ը Հարավային Կոնեկտիկուտի պետական համալսարանի նախագահ Մարի Փափազյանի հրավերով ԱՄՆ-ում էր Մանկավարժական համալսարանի ռեկտոր, պրոֆեսոր Ռուբեն Միրզախանյանը: ԱՄՆ կատարած այցի ընթացքում ՀՊՄԸ ռեկտորը հանդիպումներ ունեցավ նախագահ Մարի Փափազյանի, առաջին փոխռեկտոր Բետ Բերջերոնի, աշխատակազմի հաշվառման բաժնի (կադրերի բաժնի) վարիչ Ջեյ Բեյլի, ուսումնական գծով պրոռեկտորի պաշտոնակատար Այլին Քրոուֆորդի, առողջապահության և սոցիալական աշխատանքի ֆակուլտետի ղեկան Սենդի Բալբորի, Միջազգային կրթական ծրագրերի բաժնի վարիչ Էրին Հայդբենմի, արվեստի և հումանիտար գիտությունների ֆակուլտետի ղեկան Սթիվ Բրիգի, մանկավարժության ֆակուլտետի ղեկան Սթիվըն Հյոգերըզի, բիզնեսի ֆակուլտետի ղեկան Էլլեն Դարմինի, ֆինանսական և վարչական գծով պրոռեկտոր Մարկ Ռոզակու հետ: Հանդիպումների ընթացքում ձեռք բերվեցին հետագա համագործակցության վերաբերյալ որոշակի պայմանավորվածություններ:

➤2

ՀՊՄԸ պատմության և իրավագիտության ֆակուլտետի ուսանողները և «100 Լեռնագագաթ» լեռնագագաթների ակումբի անդամները սեպտեմբերի 20-ին՝ ՀՀ անկախության օրվան ընդառաջ, բարձրացան ՀՀ ամենաբարձր լեռը՝ քառազագաթ Արագածը: Ուսանողներին ուղեկցում էին պատմության և իրավագիտության ֆակուլտետի ղեկան Է. Հովհաննիսյանը և հայոց պատմության ամբիոնի դասախոս Խ. Ստեփանյանը: Լեռնագագաթները նվաճեցին Արագածի չորս գագաթներից երկուսը՝ Հարավայինը և Արևմտյանը: Սկզբում բարձրացան Հարավային գագաթը, որն ամենացածրն է, ապա իր բարձրությամբ երկրորդ՝ Արևմտյան գագաթը (4080մ): Հասնելով գագաթին՝ ուսանողները միասնաբար երգեցին ՀՀ օրհներգը, ապա ազգային երգ ու պարի կատարմամբ վայելեցին իրենց նվաճումը:





Կոնեկտիկուտի համալսարանի բարձրագույն պարզևը՝ ՀՊՄՇ ռեկտորին

Ռուբեն Միրզախանյանը եղավ Հարավային Կոնեկտիկուտի պետական համալսարանում, շրջեց բուհի գրադարանում, սոցիալ-կենցաղային հաստատություններում, նորաստեղծ, գերժամանակակից լաբորատորիաներով հագեցած գիտության կենտրոնում. հենց այստեղ են ուսանողները հետազոտություններ իրականացնում ֆիզիկայի, քիմիայի, IT և նանոտեխնոլոգիաների ոլորտում՝ բնական միջավայրի ուսումնասիրման և պահպանման ուղղությամբ:



ժառայությունների դիմաց:


Ռուբեն Միրզախանյանը շնորհակալություն հայտնեց բարձր պատվի արժանացնելու և զնահատանքի համար, ապա ՀՊՄՇ-ի կողմից բուհին հանձնեց գեղարվեստական կրթության ֆակուլտետի պրոֆեսոր Անուշ Եղիազարյանի գրեկեն աշխատանքը:

Նշենք, որ սեպտեմբերի 12-ին Նյու Յորքում Էդ և Կարմեն Գյուլբենկյանների առանձնատանն, ի պատիվ Հայաստանի թեքեյան մշակութային միության նախագահ, ՀՊՄՇ ռեկտոր Ռուբեն Միրզախանյանի, կազմակերպվել էր ընդունելություն, որին ներկա էին և ելույթ ունեցան Հայ Առաքելական եկեղեցու արևելյան թեմի առաջնորդ Խաժակ արքեպիսկոպոս Պարսամյանը, ՄԱԿ-ում Հայաստանի մշտական

հուղան ընթացքում այս պարզևին արժանացնելու առաջին դեպքն է:

Մարի Փափազյանն ընդգծեց, որ պարզև պրոֆեսոր Ռուբեն Միրզախանյանին

շնորհվում է կրթական համակարգի զարգացման գործում ներդրած մեծագույն ավանդի, երկու համալսարանների հարաբերությունների զարգացման, ինչպես նաև բացառիկ



ներկայացուցիչ, դեսպան Ջոնրաբ Մնացականյանը, Հարավային Կոնեկտիկուտի պետական համալսարանի նախագահ Մարի Փափազյանը, Նյու Յորքի և Նյու Ջերսիի թեքեյան մշակութային միության նախագահ Հակոբ Վարդիվառյանը: Ընդունելությանը ներկա էին Նյու Յորքի հայ համայնքի բազմաթիվ այլ ներկայացուցիչներ:

Մանկավարժական համալսարանի վարժարանի (ավագ դպրոց) և թիվ 57 հիմնական դպրոցի բակը սեպտեմբերյան աշխույժով էր լցվել. հուզմունքը և ուրախությունը միախառնվել էին, դարձել սպասում գիտելիքների ձեռքբերման ճանապարհին:



Նոր ուսումնական տարին՝ դասավանդման նոր մեթոդով

Մանկավարժական համալսարանի ռեկտոր Ռուբեն Միրզախանյանը նոր ուսումնական տարվա մեկնարկին ընդառաջ հանդիպեց համալսարանի պրոֆեսորադասխոսական հետ: Նա ներկաներին շնորհավորեց բոլորին այդ կապակցությամբ և մտաբերեց արդյունավետ աշխատանք գիտական, ստեղծագործական գործունեության մեջ և անձնական կյանքում:

Ռեկտորը խոսեց կրթության ոլորտում առկա ժամանակակից մարտահրավերների մասին: «Կրթական համակարգում մենք աշխատում ենք բավականին լուրջ մրցակցային պայմաններում: Ելնելով դրանից՝ անհրաժեշտ է դասավանդման գործընթացում ներմուծել որոշակի նոր մեթոդներ և որակ», - նկատեց Ռուբեն Միրզախանյանը՝ հավելելով, որ դասախոսություններն ավանդական թրթռային տարբերակից վերածվելու են էլեկտրոնայինի:

Այսուհետև Մանկավարժական համալսարանի բակավարժարանի առաջին կուրսի ուսանողները, դասախոսությունից օրեր առաջ, էլեկտրոնային փոստերի միջոցով կստանան տվյալ դասախոսության թեմայի էլեկտրոնային տարբերակը: Մինչ այդ թեման պետք է հաստատվի համապատասխան ամբիոնի կողմից: Ռեկտորը նշեց

նաև, որ դասախոսությունները պետք է իրականացվեն ինտերակտիվ ձևով, տեխնիկապես գերհագեցած լսարաններում: Ռուբեն Միրզախանյանը դասավանդման այս ձևաչափը նորություն չհամարեց, քանզի բոլոր միջազգային համալսարաններում առաջնորդվում են այդ սկզբունքով:

«Որպես ուսումնական հաստատություն մրցակցային դաշտում մնալու համար պետք է առաջնորդվել վերոհիշ-

յալ պահանջներով, հակառակ պարագայում, տարիներ հետո կունենանք որոշակի խնդիրներ: Կրթական պրակտիկան ապացուցել է, որ մասն դասավանդման ձևն առաջադեմ է և արդյունավետ», - ընդգծեց ռեկտորը և հույս հայտնեց, որ դասախոսական կազմի մեծամասնությունը կհաղթահարի այս աշխատատար ու բարդ խնդիրը:

Ռեկտորն անդրադարձավ նաև նոր ուսումնական տարվա ընդունելության թվաքանակին՝ նկատելով, որ այն անցյալ տարվա համեմատությամբ էական փոփոխության չի ենթարկվել: Խոսելով մագիստրոսական կրթության մասին՝ ռեկտորը նշեց, որ մագիստրոսական կրթության հանդեպ հետաքրքրությունը մեծանում է, իսկ մագիստրատուրա դիմողների մի մասն էլ այլ բարձրագույն ուսումնական հաստատություններից է: Մագիստրոսական թեգերին անդրադառնալով՝ ռեկտորը հորդորեց ներկաներին ավելի խստապահանջ լինել թեմաների հաստատման հարցում և մեծ ուշադրություն դարձնել մագիստրոսական թեգեր գրող ուսանողների ինքնուրույնությանը:

Հանդիպման ավարտին դասախոսներն ուղղեցին իրենց հուզող հարցերը և ներկայացրին տարբեր առաջարկներ:





Հանդիպում...



➤1 Ռեկտորն ուսանողներին հորդորեց ներկայացնել նաև ծրագրին վերաբերող դիտարկումներ և առաջարկներ՝ հաջորդ տարիներին դրանք շտկելու համար, ինչպես նաև ուսանողներին կոչ արեց իրենց կուրսը կերպերի հետ կիսել տպավորությունները, շահագրգռել նրանց՝ օտար լեզու սովորել՝ հետագայում ամառային դպրոցներին մասնակցելու համար:

Լիտվա, Ֆինլանդիա, Մոսկվա, Սանկտ Պետերբուրգ և Բելառուս մեկնած ուսանողները, շնորհակալություն հայտնելով համալսարանի ղեկավարությանը նման հնարավորությունը ընձեռելու համար, նկատեցին, որ ծրագրը հազեցած էր ինչպես ճանաչողական, այնպես էլ կրթական բովանդակությամբ: Ուսանողները նշեցին, որ դա լավագույն հնարավորությունն էր ծանոթանալու տարբեր մշակույթների, ազգերի ներկայացուցիչների հետ, ձեռք բերելու նոր ընկերներ և վառ տպավորություններ, որոնք ողջ կյանքի ընթացքում ուղեկցելու են իրենց:

Սանկտ Պետերբուրգ մեկնած ուսանողներին ուղեկցած Մանկավարժական համալսարանի դասախոս Ռուզաննա Չախունյանը բոլոր ուսանողների ամունից շնորհակալություն հայտնեց կազմակերպիչներին և նշեց, որ ուսանողների աչքերում նկատելի ուրախություն կար, լեզվական նոր միջավայրում գտնվելը նրանց համար հիանալի առիթ էր: Դասախոսն առաջարկեց նաև ծրագրի շրջանակում ուշադրություն դարձնել ոչ միայն ճանաչողական, այլև կրթական բաղադրիչին:

Նախորդ տարի Ադամանո, իսկ այս տարի արտերկրի տարբեր համալսարաններ մեկնած ուսանողներն էլ վստահեցրին՝ հայաստանյան ամառային դպրոցը եթե չի զերազանցում, ապա ոչ մի բանով չի զիջում նրանց կազմակերպածին:

Ամփոփելով իրենց տպավորությունները՝ ուսանողները վստահեցրին «Ամառային դպրոց 2015-ը» իրենց տվեց մի կարևոր պատգամ. մարդիկ բաժանվում են ոչ թե ըստ ազգությունների, այլ՝ բարու և չարի:

Բելառուս մեկնած ուսանողներն էլ Մանկավարժական համալսարանի ղեկավար Ռուբեն Միրզախանյանին հանձնեցին Մաքսիմ Տանկի անվան պետական մանկավարժական համալսարանի ղեկավար Ալեքսանդր Ժուկի շնորհակալական նամակն ու հուշանվերը:

Սոնա ԱՐԱՍՅԱՆ

Ճապոնացի հայագետը՝ Մանկավարժականում



Մանկավարժական համալսարանի պատմության և իրավագիտության ֆակուլտետի ղեկան Էդգար Գովհաննիսյանը կարևորում է օտարերկրյա հայագետների համդիպումները ապագա պատմաբանների հետ: Այս անգամ պատմաբանների հյուրը ճապոնացի հայագետ Տակայուկի Յոշիմուրան էր, ով Հայաստանում է գտնվում Հայաստանի ազգային արխիվում հայոց պատմության շուրջ ուսումնասիրությունների նպատակով: Ծապոնացի հայագետը շնորհակալ գործ է անում և նրա ուշադրության կենտրոնում 20-րդ դարի Հայաստանի պատմական իրադարձություններն են:

Տակայուկի Յոշիմուրան ճապոնիայի Վասեդայի համալսարանի դասախոս է, իսկ հայ ուսանողների առաջ առաջին անգամ էր հանդես գալիս դասախոսությամբ: Նա նկատելի հուզմունքով դասախոսությունն սկսելուց առաջ ղեկանին և ուսանողներին ողջունեց հայերենով, ապա անգլերեն լեզվով ներկայացրեց մասնավորապես առաջին աշխարհամարտի տարիներին հայ-ճապոնական հարաբերություններին վերաբերող իր դասախոսությունը:

ԹԱՆԳԱՐԱՆԸ ԼԱՎԱԳՈՒՅՆ ՀԻՇՈՂՈՒԹՅՈՒՆՆ Է

Մանկավարժական համալսարանի պրոֆեսորադասախոսական կազմի և ուսանողների հյուրն էր ռադիոհիմժեներ, տնտեսագիտության թեկնածու, գործարար և բարերար Ռուբեն Յուլակի Գրիգորյանը: Նա ավարտել է Երևանի Պոլիտեխնիկական ինստիտուտը և շուրջ 30 տարի է ապրում է Մոսկվայում:



Ռ. Գրիգորյանի երկրորդ այցը Մանկավարժական համալսարան առանձնացավ հետաքրքիր և ուսանելի դասախոսությամբ, որը յուրահատուկ մարդասիրական կոչ էր՝ ուղղված մեր ժամանակի մարդկանց, հասարակության տարբեր շերտերին, և, մասնավորապես ապահով խավին՝ ֆինանսական միջոցները մարդկության շահերին ծառայեցնելու, սեփական շահը ազգային շահից վեր չդասելու հատուկ շեշտադրումով:

Դասախոսության առաջին՝ «Մոսկվայի հայկական թանգարանն ու ազգի մշակույթը» մասը նվիրված էր Մոսկվայում իր կողմից բացված հրաշալի թանգարանին, որը Հայոց ցեղասպանության 100-ամյակը հանրահռչակող և անցյալի պատմության սխալները մատնանշող իսկական կոթող է, վայր, որտեղից այցելուները հեռանում են իրագեղված, դասեր քաղած, աշխարհի իրադարձությունների ու իրականության հանդեպ վերափոխված ընկալումներով ու մտտեցումներով:

Մոսկվայի «Օլիմպիսկի» պողոտայի թիվ 9 հասցեում է գտնվում 20-րդ դարի առաջին Ցեղասպանությանը նվիրված թանգարանը, հայկական եկեղեցուն հարող տարածքում: 11 բաժիններում ցուցադրվող մուշները ավելի քան խոսում են, վերնագրերը՝ մույնպես: Մեծ բարեգործի ջանքերով ու նյութական միջոցներով ստեղծված հիանալի թանգարանում այցելուներին սպասում է 3D կինոթատրոնը, հայկական Սփյուռքը ներկայցնող յուրահատուկ վիզուալ գլխուկ, «Լինել հայ», «Դիմանկարներ», «Ինտերակտիվ» գիրք, «Երաժշտական գրադարան», «Դանթեական», «Պատկերասրահ» և այլ բաժիններ:

Դասախոսության երկրորդ մասը բանախոսի՝ կյանքի իրական ու փիլիսոփայական ընկալման արտահայտումն էր, բանախոսի պարզ ու ճշմարտացի հայացքը՝ ուղղված անցյալին, ներկային ու ապագային՝ «Ինչպես եմ տեսնում շրջակա աշխարհը» վերնագրով:

Այդպիսին պետք է լինի մարդը՝ անկախ սոցիալական

դիրքից ու կարգավիճակից, քանզի մարդու երկրային կյանքը կարճ է, և յուրաքանչյուրի բարի գործով է մեծապես պայմանավորված այս երկիր մուլտրակի ամեն պտույտն ու ընթացքը:

Մոսկվայաբնակ բարեգործը խոսեց նաև իր կողմից ստեղծված ինտելեկտուալ ակումբի մասին և կոչ արեց Facebook սոցիալական ցանցի միջոցով դառնալ ակումբի անդամ և հանդես գալ հետաքրքիր գաղափարներով: Պետք է ազնիվ լինել սեփական ազգի և մյուսների հանդեպ, պետք է յուրաքանչյուրն իր մատով մասնակցի աշխարհի գլոբալ փոփոխություններին և կարողանա մի լավ գործ անել: Սա էր հյուրի հավատամքը, որ ներկայացրեց համեստ ու զուսպ կեցվածքով՝ անկեղծ ու անմիջական կապ հաստատելով մանկավարժական լսարանի հետ:

Հանդիպումն ամփոփվեց ՀՊՄՀ ռեկտորի խոսքով. բուհի ղեկավարը ներկաների ամունից շնորհակալություն հայտնեց Ռուբեն Գրիգորյանին՝ հայ ազգին մատուցած մեծագույն ծառայության համար, և նրան պարգևատրեց «Մանկավարժական համալսարան» մեդալով: Ռուբեն Միրզախանյանը վստահեցրեց, որ Հայաստանի սահմաններից դուրս այդ բացառիկ ու պրոֆեսիոնալ թանգարանն իր նախադեպը չունի:

«Թանգարանը հիշողություն է, որը պետք է պահպանել անցյալի սխալները չկրկնելու համար», -շեշտեց Ռուբեն Գրիգորյանը,- «կատարվածի կարողությունը ոչ ոք չի հասկանա, եթե դրա մասին չգիտի»: Նա համոզված է՝ եթե թանգարանը կարողանա թեկուզ մի քանի մարդու փոխել, վերածնել՝ նշանակում է իր գործը հաջողությամբ է պսակվել:

Առեղծվածները հիմքում մարդկությանը ինքնապաշտպան պատերազմներից ու ցեղասպանությունից ետ պահելու մարդասիրական գաղափարն է, որ հայազգի Ռուբեն Գրիգորյանին թույլ է տվել իր ֆինանսական միջոցները բարի գործի վերածել՝ քաղաքակրթությունը ոչնչացումից փրկելու՝ մարդկությանն ուղղված ևս մեկ արդարամիտ կոչ: Որպեսզի երբեք և ոչ ոք չհամարձակվի ասել. «Իսկ ո՞վ է հիմա հիշում հայերի և այլ ժողովուրդների ցեղասպանության մասին...»:

Սիլվա ԱՐԱՅԱՆ

Բուհերի միջազգայնացմանն ուղղված քայլ

Մանկավարժական համալսարանում կայացավ «Բարձրագույն ուսումնական հաստատությունների միջազգայնացում. հնարավորություններ և գործիքներ» խորագրով աշխատաժողովը:



Բարձրագույն կրթության բարեփոխումների փորձագետ Սամվել Կարաբեկյանը ողջունեց աշխատաժողովի մասնակիցներին և նկատեց, որ փորձագետները իրենց մանդատների շրջանակում մասնակցում են բարձրագույն կրթության բարեփոխումների ամենաարդիական խնդիրներին նվիրված բազմառեսույն միջոցառումներին, իսկ հետո այդ ոլորտի մասնագետների հետ նրանք սովորաբար կիսում են իրենց ձեռք բերած տեղեկատվությունն ու քննարկում ներուհական համակարգում համապատասխան ոլորտի խնդիրների ներկայիս վիճակն ու հեռանկարները: Փորձագետը հույս հայտնեց, որ քննարկման արդյունքում բացի տեղեկատվություն փոխանցումից, կլինեն նաև առաջարկներ և լուծումներ քննարկվող խնդիրների վերաբերյալ:

Հայաստանում ազգային «երազմուս Պլյուս» գրասենյակի համակարգող Լանա Կառլովան ուրախությամբ նկատեց, որ վերջին տարիներին համալսարաններում քննարկվում և լուրջ քայլեր են արվում միջազգայնացման վերաբերյալ, բանզի այդ գործում մեծ կարևորություն ունեն հնարավորությունների և անհրաժեշտ գործիքների վերաբերյալ նման քննարկումները:

«2006 թվականից սկիզբ առած միջազգայնացմանն ուղղված քայլերը միտված են շարժունությանը. փոխվում է բուհերի ռազմավարությունը, ուսումնական ծրագրերը, ուսանողների և աշխատողների հանդեպ պահանջները, սակայն առաջին հերթին պետք է հասկանալ շարժունության արժեքը. փոխել միջավայրը, բաց լինելու համար բոլոր մեխանիզմներով՝ ծրագրերի համադրելիություն, գործիքների կիրառումն և այլն»:

Մանկավարժական համալսարանի Միջազգային համագործակցության բաժնի ղեկավար, բարձրագույն կրթության բարեփոխումների փորձագետ Քրիստինա Ծատուրյանը որպես փորձագետ իր հետազոտություններն անցկացրել է Բելգիայի Գենտի համալսարանում: Խոսելով միջազգայնացման ուղղությամբ ՀՀ բուհերի կարիքների ու խնդիրների մասին՝ Ք. Ծատուրյանը նշեց. «Որպես Բուլոնյայի գործընթացի անդամ և եվրոպական բարձրագույն կրթական տարածաշրջանի՝ մեր երկիրը, մարտահրավերների առաջ է կանգնած: Հետևաբար, մեր

կամքից անկախ, մրցակցային պայմաններում մենք էլ ենք կանգնում միջազգայնացման գործընթացի առջև: Այս աշխատաժողովը նպատակ ունի մի հարկի տակ հավաքել տարբեր ուսումնական հաստատությունների միջազգային հարցերով զբաղվողներին և համատեղ քննարկել միջազգայնացման խնդիրներն ու հեռանկարները, միմյանց փոխանցել ձեռք բերած գիտելիքները, ինչպես նաև նպաստել դրանց տարածմանը»:

Խոսելով ՀՊՄՀ -ի միջազգայնացմանն ուղղված քայլերի մասին՝ Քրիստինա Ծատուրյանն այն դիտարկեց որպես հաջողված փորձ: Փորձագետը նկատեց, որ Մանկավարժական համալսարանը 2011 թվականից մինչև օրս նկատելի աճ է գրանցել, որը պայմանավորված է համալսարանի ղեկավարության նախաձեռնողական քուղաքակրթությամբ:

Միջազգայնացմանը խոչընդոտող խնդիրներն, ըստ փորձագետի, մեր երկրի աշխարհագրական դիրքով է պայմանավորված և օտար լեզվի չիմացությամբ:

Մյուս փորձագետները ևս ներկայացրին արտասահմանյան այլ երկրների խոշոր բուհերում իրականացված ուսումնասիրությունների արդյունքները՝ փոխանակման ծրագրեր, միջազգայնացման հայեցակարգային մոտեցումներ, հնարավորություններ, կրեդիտային շարժունություն և այլն:

Աշխատաժողովի ընթացքում զեկուցումներով հանդես եկան նաև ծրագրի մասնակից ուսանողները՝ ներկայացնելով կրեդիտային շարժունության ընթացքում առաջացած իրենց խնդիրները:

Աշխատաժողովին մասնակցում էին Երևանի և մարզերի բուհերի միջազգային կառույցների ներկայացուցիչները, Երազմուս+ ծրագրի ներկայացուցիչ-փորձագետները:


Սոնա ԱՐԱՍՅԱՆ



ԳՐԱԿԱՆ ՄԱՆՐԱՄԱՐՆԵՐԻՅ ԴԵՊԻ ՊԱՏՄՈՒԹՅԱՆ ԱՄԲՈՂՋԱՅՈՒՄ

(Դոցենսր Յուրի Ըովհաննիսյանի 75-ամյակի առթիվ)

Լրացավ գրականագետ, բանասեր, մանկավարժական մայր բուհում երկարամյա գիտամեթոդական փորձառություն անցած Յուրի Գրիգորի Ըովհաննիսյանի ծննդյան 75-ամյակը: Ինչպես իր սերնդից շատերին, նրան նույնպես ձգեց «լուսավորության կենտրոն» մոզական Երևանը, ուր եկավ Արցախի հեռավոր Յաղոթի գյուղից 1959-ին՝ ավարտելով ծննդավայրի միջնակարգ դպրոցը: Նա բախեց Պետական համալսարանի բանասիրական ֆակուլտետի դռները, իսկ արդեն 1967-ից մտավ Խ. Աբովյանի անվան մանկավարժական ինստիտուտի հայոց լեզվի և գրականության բաժինը՝ այս անգամ յուրացնելու ուսուցչության գաղտնիքների անհատում աշխարհը, մեկընդմիջտ կապվելով կրթության շարունակական զարգացումների:



Քում արժանացել է ուսանողության և գործընկերների անսակարկ համակրանքին, սիրուն: Նա նվիրումով է կարդացել գրականության պատմության տարբեր շրջանները՝ ժողովրդական բանահյուսությունից մինչև նորագույն ժամանակներ: Եվ ինչ էլ դասավանդել է, երիտասարդությանը կողմնորոշել է դեպի գեղեցիկի աշխարհ, դեպի ազգային ու գեղարվեստական մեկնությունների աղբյուրագիտական խորքերը՝ հաճախ հարստացնելով նյութերը արժեքային նորոգ զուգահեռներով: Յու. Ըովհաննիսյանը գիտամանկավարժական իրեն տրված վերընթաց փորձառությունն անցել է՝ սկսած ամենամախնակական, պարզ քայլերից մինչև դոցենտի պաշտոն հայ գրականության ամբիոնում:

Սիրում է կրկնել հնուց եկող այն միտքը, թե ինքը գրականությունը յուրացրել է մանրամասների ճանապարհով: Ճիշտ է, միայն մեկ անհրաժեշտ հավելումով՝ երբեք չընկնելով մանրաթեմայնության գիրկը: Դա վերաբերում է մեկ բանաստեղծության խորքային բացահայտման ջանքին, որն է գրողի կյանքի մեկ առերևույթ աննշան թվացող դրվագին: Նրա

համար կենսական խորհուրդ ունի Ստ. Ջորյանի հայտնի խոսքը, թե գրականության սաղարթները «բացվում են» մանրամասներից: Եվ այս ճանապարհով է քննել է Զովի. Զովհաննիսյանի, Վ. Տերյանի, Ա. Բակունցի, Դ. Դեմիրճյանի, Ա. Իսահակյանի, անցյալ դարի 20-30-ական թթ. գրական նվիրական այլ դեմքերի տիպական ուրվագծերը՝ հրապարակ նետելով շուրջ 100 գիտամեթոդական, ճանաչողական տարաբնույթ հոդվածներ: Այս դարասկզբին կազմել է համալսարանական կյանքից բխած մանրապատումների երեք ուշագրավ գրքեր, որոնց մեջ ամբողջացրել է ոչ միայն իր սուր տեսողությունը, մարդկային նկարագրերի մանրամասներ, այլ նաև բուհական կյանքը՝ «ափի մեջ»:

2012 թ. մանկավարժական համալսարանի 90-ամյակի մեղալով պարգևատրվելիս Յու. Ըովհաննիսյանը ընդգծել է, որ համալսարանական ծառայությունը դիտել է կեցության իմացական բարձրագույն եղանակ, ուստի կարելի է հավարտ այս հպանցիկ նկարագրի՝ վերահաստատել՝ հորելյարը այսօր էլ, վաստակած հանգստի անցած, քայլում է գրական ճանապարհներով, սիրված բանաստեղծի բնութագրությամբ՝ «սարն ի վեր»:

Հայ նորագույն գրականության և նրա դասավանդման ամբիոն

ՕԳՏԱԿԱՐ ՈՒՍՈՒՅՈՒՄ

Սեպտեմբերի 4-ին Հայաստանում նշում են ՀՀ տարածքային կառավարման և արտակարգ իրավիճակների նախարարության աշխատակցի օրը: Պետք է նշել, որ նրանց մասնագիտական տոնն էլ յուրահատուկ է՝ ավելի շատ աշխատանքային, քան տոնական: ՏԿԱԻՆ աշխատակիցները հանդիպումներ են կազմակերպում տարբեր ուսումնական հաստատություններում՝ օրը առավել օգտակար ու արդյունավետ անցկացնելու նպատակով:

«Այսօր ՏԿԱԻՆ աշխատակցի օրն է, և համալսարանի առաջին բուժօգնության, քաղաքաշտպանության և արտակարգ իրավիճակների ամբիոնը ՀՀ Քաղաքաշտպանության շտաբի և փրկարարական ջոկատի հետ միասին համալսարանի պատմության և իրավագիտության, գեղարվեստական կրթության և հատուկ կրթության ֆակուլտետների ուսանողների համար կազմակերպել է ուսուցում: Ձեռնարկի նպատակն է ուսանողներին ծանոթացնել արտակարգ իրավիճակներում փրկարարական անհետաձգելի աշխատանքների իրականացման համար օգտագործվող տեխնիկային», -ասաց ամբիոնի վարիչ Հակոբ Գրիգորյանը:



Ինչպես տեղեկացանք ամբիոնի վարիչից, որոշակի սկզբունքով էր կատարվել տեղանքի ընտրությունը, որտեղ ուսանողներին ցուցադրվում էր արտակարգ իրավիճակներում աշխատանքներ իրականացնող փրկարարական տեխնիկան: Փողոցին հարակից համալսարանական գլխավոր մասնաշենքի բակից դուրս գալը կամարանցումով բավականին դժվար է, քանզի մանևրելու տեղ չկա, և անհրաժեշտ է, որ ուսանողները, դասախոսները իրազեկվեն ու կարողանան արտակարգ իրավիճակներում կատարել մարդկանց տարահանում: Բոլոր ֆակուլտետներում ստեղծվել են ուսանողական փրկարարական ջոկատներ, որոնք էլ արտակարգ իրավիճակների դեպքում ներգրավվելու են կազմակերպական աշխատանքներում:

Այնուհետև ՀՀ տարածքային կառավարման և արտակարգ իրավիճակների նախարարության փրկարարական ջոկատի հրամանատար լեյտենանտ Ահարոն Ղազարյանը և համալսարանի դասախոս Պերճ Կարապետյանը ուսանողների համար կազմակերպեցին հրշեջ տեխնիկայի և գույքի ցուցադրում, հանգամանորեն ներկայացրին, թե ինչ գործողություններ ու ֆունկցիաներ են իրականացվում վերջինիս միջոցով:

Ուսումնական հաստատություններում պարբերաբար անց է կացվում նման ցուցադրություն, իսկ Մանկավարժական համալսարանում ուսուցումն իր նախադեպը չունեն և ուսանողներին գործնականում շատ հետաքրքրեց

Սիլվա ԱՄՐՅԱՆ

Գերմանացի հոգեվերլուծողը հանդես եկավ դասախոսությամբ

Մանկավարժական համալսարանի կրթության հոգեբանության և սոցիոլոգիայի ֆակուլտետի զարգացման և կիրառական հոգեբանության ամբիոնի նախաձեռնությամբ «Հոգեամատիկան հոգեվերլուծության մեջ (կլինիկական դեպքերի դրվագների ներկայացմամբ)» խորագրով դասախոսությամբ հանդես եկավ հայտնի գերմանացի գիտնական, հոգեբույժ, հոգեվերլուծող և հոգեթերապևտ, բժշկագիտության դոկտոր, Միջազգային հոգեվերլուծական ասոցիացիայի անդամ, պրոֆեսոր Հորսթ Կեխելեն:



Ներկաներին ողջունեց ֆակուլտետի դեկան Ռուզաննա Պետրոսյանը՝ ընդգծելով, որ ուսանողի համար չկա առավել կարևոր ու հետաքրքիր միջոցառում, քան կենդանի շփումը ուղրտի առաջատար մասնագետի և գիտնականի հետ: Գիտնականը դասախոսությունը ներկայացրեց տեսական, և պրակտիկ տեսանկյունից, այդուհետև ներկայացրեց կլինիկական դեպքեր սեփական փորձից: Կլինիկական դեպքերի դրվագների նկարագրության նպատակն էր հիմնավորել այն գաղափարը, որ դեղորայքային բուժում պահանջող հիվանդությունների բուժումն ավելի արդյունավետ է լինում հոգեվերլուծական հոգեթերապիայի հետ այն զուգակցելու դեպքում: Դասախոսությունն ավարտվեց հարց ու պատասխանով:

Հանդիպման ավարտին կրթության հոգեբանության և սոցիոլոգիայի ֆակուլտետի դեկանը ֆակուլտետի անունից գիտնականին հանձնեց Հայաստանի պատմությունն ու մշակութային արժեքները խորհրդանշող հուշանվերներ:

Գիտնականը խոստացավ նաև հաջորդ այցելության ժամանակ հանդես գալ մեկշաբաթյա դասախոսությունների շարքով:

Դասավարները կդասավանդեն նաև շախմատ

Մանկավարժական համալսարանի սկզբնական կրթության ֆակուլտետի մանկավարժություն և մեթոդիկա (տարրական կրթություն) մասնագիտության 11 ուսանողներ Հայաստանի շախմատի ակադեմիայի վկայականներ ստացան, ինչը նրանց հնարավորություն կընձեռնի երեք տարի դասավանդել «Շախմատ» առարկան ՀՀ հանրակրթական դպրոցներում: Ուսանողները մասնակցել են ինչպես ուսումնական պլանով նախատեսված շախմատի դասընթացներին, այնպես էլ ֆակուլտետային արտաժամյա պարապմունքներին:

Սկզբնական կրթության ֆակուլտետի դեկան Հեղինե Խաչատրյանը շնորհավորեց ուսանողներին այդ կապակցությամբ և ուրախությամբ նկատեց, որ ուսանողներից չորսն արդեն վկայականներ ստանալու հաջորդ օրն իսկ աշխատանքի են անցել դպրոցներում՝ համատեղելով ուսումնառումն ու շախմատի դասավանդումը:

Ֆակուլտատիվ պարապմունքներն անցկացրած դասախոս Սամվել Միսակյանը նշեց, որ սա դասավարների համար երեխաների հետ աշխատելու ամենավաղագույն տարբերակն է: Դասախոսն ուսանողներին խորհուրդ տվեց չվախենալ և նվիրվել շախմատին, իսկ ուսուցիչներին՝ յուրաքանչյուր օր ու ժամ աշխատել իրենց որակավորման բարձրացման ուղղությամբ:

«Այստեղ ստացած գիտելիքներս ինձ լիովին բավարարեցին, որպեսզի աշխատեմ շախմատի ուսուցիչ, ինքս շախմատիստի ընտանիքից եմ, համալսարան ընդունվելու օրվանից զբաղվել եմ շախմատով, մասնակցել եմ նաև այս դասընթացներին», - ասաց բակավարժիկատի 4-րդ կուրսի ուսանողուհի Վարդ Ղազարյանը: Ի դեպ, նա արդեն 6 ամիս է՝ աշխատում է Ապարանի շրջանի Շենավանի դպրոցում:

Սոնա ԱՐԱՍՅԱՆ



ՆՈՐ ՀԱՄԱԳՈՐԾԱԿՑՈՒԹՅՈՒՆ

Մանկավարժական համալսարանում էին Բեռնի համալսարանի պրոֆեսոր Յեյնո Մեսսենը, նույն բուհի պրոֆեսոր, Կայուն զարգացման և շրջակա միջավայրի կառավարման եվրոպական ծրագրերի կենտրոնի փոխտնօրեն Թոմաս Կոլերը, Համաշխարհային աշխարհագրական միության լանդշաֆտային անալիզ և պլանավորում համեմատողական մեթոդի նախագահ, Իվան Ջավախիշվիլու անվան Թբիլիսիի պետական համալսարանի Ռեզինալ աշխարհագրության և լանդշաֆտային պլանավորման ամբիոնի վարիչ, պրոֆեսոր Նոդար Էլիզաբարաշվիլին:

Լեռնային և կայուն զարգացման և ռեսուրսների կառավարման ծրագրի շրջանակներում Հայաստան ժամանած պատվիրակներին ՀՊՄՀ-ում ողջունեցին բուհի պրոռեկտորները, կենսաբանության, քիմիայի և աշխարհագրության ֆակուլտետի ղեկանը, ամբիոնների վարիչները, վարչական ստորաբաժանումների ղեկավարները:



Կողմերը հանդիպման սկզբում միմյանց ներկայացրին իրենց կրթական հաստատությունները, վարած քաղաքականությունը, զարգացման հեռանկարները, ապա արտասահմանցի գործընկերները հանգամանորեն ներկայացրին «Լեռնային և կայուն զարգացման և ռեսուրսների կառավարում» ծրագիրը, Կովկասում լանդշաֆտների պլանավորման, կայուն զարգացման և ռեսուրսների կառավարման կարևորությունը:

Վերջիններս առաջարկեցին մանկավարժական բուհում ներդնել ծրագրին համանուն մագիստրոսական դասընթաց, հրապարակել դասագիրք, ինչպես նաև Բեռնի, Թբիլիսիի համալսարանների և ՀՊՄՀ-ի ուսանողների և գիտաշխատողների շրջանակներում իրականացնել փոխանակման ծրագիր:



Ի դեպ, մանկավարժական բուհում ծրագրի ներդրումը նորույթ է. մինչ ՀՊՄՀ-ի հետ համագործակցությունը, այն կրում էր սոսկ գիտահետազոտական բնույթ:

Համաշխարհային աշխարհագրական միության լանդշաֆտային անալիզի և պլանավորման համեմատողական մեթոդի նախագահ Նոդար Էլիզաբարաշվիլին, մանրամասնելով ծրագրի արդիականությունը, ընդգծեց, որ այն կարևոր է ինչպես գիտապրակտիկ ոլորտի, այնպես էլ Կովկասում բնապահպանական, քաղաքական, տնտեսական մի շարք խնդիրների լուծման համար:

ՀՊՄՀ ներկայացուցիչները վստահեցրին, որ կծավորվի փոխառնակման համագործակցություն, իսկ օտարերկրյա հյուրերն էլ հույս հայտնեցին, որ իրենց բուհերի անուններն առաջիկայում ևս տեղ կգտնեն բուհի միջազգային գործընկերների շարքում:

Արտասահմանցի հյուրերը Մանկավարժական համալսարանում նաև հանդես եկան դասախոսություններով:

Մարինե ԱՂԵԿՅԱՆ



րաբերյալ, ինչպես նաև ձեռք է բերել մասնագիտական գրականություն, թվային նյութեր, տեսանյութեր, աշխատել տարբեր խմբերի և մասնագետների հետ:

Ծրագրի վերջում Գ. Պողոսյանը կատարած հետազոտության արդյունքում ներկայացրել է ցուցահանդես-առաջարկ՝ «Մեծամոր» պատմահնամանակական արգելոց-թանգարանում պահպանվող բաբելոնյան գորտակերպ կշռաբար-հմայիլի (16-րդ դ. Ք.Ա.) և Բրիտանական թանգարանի պահոցներում պահպանվող համանման արտեֆակտների համադրման և նոր հետաքրքիր փաստերի բացահայտման տարբերակով:

Ծրագրին Հայաստանի մասնակցությունն արժանացել է

Թանգարանային միջավայրում

Մանկավարժական համալսարանի թանգարանագիտության, գրադարանագիտության և մատենագիտության ամբիոնի դասախոս, մանկավարժական գիտությունների թեկնածու Դավիթ Պողոսյանը հուլիսի 27-ից սեպտեմբերի 4-ը Լոնդոնում և Գլազգոյում մասնակցել է Բրիտանական թանգարանի և գործընկեր թանգարանների կողմից կազմակերպված միջազգային վերապատրաստման ծրագրին: Հայաստանն այդ ծրագրին մասնակցում է երկրորդ անգամ ՀՊՄՀ դասախոս, Պատմամշակութային արգելոց-թանգարանների և պատմական միջավայրի ծառայության գիտական խորհրդի անդամ և փորձագետ Դավիթ Պողոսյանի նախաձեռնությամբ:



Միջազգային վերապատրաստման ծրագիրն անցկացվում է արդեն տաս տարի և ենթադրում է տարբեր երկրներից հրավիրված մասնագետների մասնակցությամբ դասախոսություններ, սեմինարներ ու քննարկումներ, վարպետության դասեր, ցուցահանդես-նախագծերի կազմակերպում, բազմակողմանի մասնագիտական հմտությունների զարգացման ու փորձի փոխանակման արդյունավետ այլ գործունեություն հենց թանգարանային միջավայրում:

Մասնակցությանն աջակցել է ԻԿՕՄ-ի Հայաստանի ազգային կոմիտեն:

Ծրագրի ընթացքում Գ. Պողոսյանն ակտիվորեն ներգրավվել է քննարկումներին, Բրիտանական թանգարանի Միջին Արևելքի բաժնում և մյուս աշխատանքային տարածքներում ընդգրկվել իրականացվող փորձի փոխանակման աշխատանքներին, ներկայացրել ՀՀ պատմամշակութային ժառանգությունը և թանգարանային կադրերի պատրաստման աշխատանքները: Միաժամանակ նա այցելել է 30-ից ավելի թանգարաններ ու տեսարժան վայրեր Անգլիայում և Շոտլանդիայում, ներկայացրել առաջարկներ հայկական մշակութային ժառանգության ճիշտ ներկայացման վե-

ղրական կարծիքների և հովանավորվել «Դրեզդենի պետական արվեստի հավաքածուներ» ժառանգության կենտրոնի կողմից, որի ներկայացուցիչ Դանա Կորգուսչեքը հատուկ Գերմանիայից այցելել է Բրիտանական թանգարանի վերոնշյալ ցուցահանդեսի հայկական տաղավար:

Ծրագրի արդյունքում ձեռք բերված գիտելիքները, գրականությունը և կապերն ակտիվորեն ներդրվելու են բուհի կրթական և մասնագիտական գործունեության ոլորտում: Ձեռք բերված հաջողությունները, հետագա համագործակցությունը երկրում թանգարանային կադրեր պատրաստող միակ բուհի՝ Խ. Աբովյանի անվան հայկական պետական մանկավարժական համալսարանի վերջին տարիների ծավալած միջազգային ակտիվ գործունեության և շրջանակներում է և նպաստելու է թանգարանային ոլորտում մրցունակ կադրերի պատրաստմանը:

Միջազգային փառատոնում

Վերջերս Ռուսաստանի Դաշնության Կազանի համալսարանի Ելաբուզայի ինստիտուտի կողմից անցկացվեց դպրոցների ուսուցիչների հերթական 6-րդ միջազգային փառատոնը, որին մասնակցելու հրավեր էր ստացել նաև Մանկավարժական համալսարանը: ՀՊՄՀ-ի Հենակետային վարժարանի պատմության և հասարակագիտության ուսուցչուհի Մարինա Վենգրժանովիչը միջազգային փառատոնի շրջանակներում անցկացրեց վարպետության դաս՝ «Հայոց պատմություն» և «Հասարակագիտություն» առարկաների ինտեգրված դաս-դասավարություն՝ նվիրված Մեծ եղեռնի 100-ամյա տարելիցին: Ինտեգրված դասերի դիդակտիկ նյութերի առանձնահատկությունների վերաբերյալ վարպետության դասն արժանացավ ներկայացրած ուշադրությանը, հնչեցին հարցեր նաև հայաստանյան կրթական ոլորտի վերաբերյալ:

«Նման փառատոնները շատ արդյունավետ են, նպաստում են ուսուցիչների փորձի փոխանակմանը և նոր հորիզոններ բացում երիտասարդության կրթության և դաստիարակության պատասխանատու գործընթացներում», - նշեց Մարինա Վենգրժանովիչն ու հավելեց, որ շուրջ 250 մասնակից ունեցող փառատոնը կազմակերպված էր բարձր մակարդակով. այդ շրջանակներում Ռուսաստանի Դաշնության, Լատվիայի, Շվեյցարիայի, ԱՄՆ-ի, Իսրայելի բուհերի առաջավոր մասնագետներն անցկացրին բազմաբովանդակ դասախոսություններ, քննարկումներ վարպետության դասեր, բանավեճեր:

Ի դեպ, կազմակերպիչների կողմից հատուկ շնորհակալագիր տրվեց ՀՊՄՀ ռեկտոր Ռուբեն Միրզախանյանին՝ ակնկալելով և կարևորելով հետագա համագործակցությունը, իսկ Մարինա Վենգրժանովիչին՝ հավաստագիր՝ հաջողված վարպետության դաս կազմակերպելու համար:





Մանկավարժական համալսարանի նախկին դասախոս, պատմության և իրավագիտության ֆակուլտետի հայոց պատմության ամբիոնի պատվավոր անդամ Աշոտ Առաքելյանը երկար տարիներ ապրում է Մորավիայում (Չեխիա), որտեղ զբաղվում է հայագիտությամբ, դարաբաղյան և իսլամի հարցերով: Տարբեր հրապարակումներով նա բազմիցս հանդես է եկել նաև մեր թերթում: Այս անգամ ձեզ ենք ներկայացնում Աշոտ Առաքելյանի՝ Չեխիայի «Դեննիկ» օրաթերթում և Մորավիայի «ժԻՎՈՏ» (ԿՅԱԼՔ) ամսագրին տված հարցազրույցի թարգմանությունը:

Եվրոպացիներ. ձեզ սպասվում է կորած քաղաքակրթության ճակատագիրը

Պավել Բոհուն
«Դեննիկ» թերթի գլխ. խմբագիր

Սերձավոր Արևելքում իսլամական պետության կողմից տեղի ունեցող իրադարձությունները ստիպեցին ինձ լուսաբանել և ընթերցողներին ներկայացնել՝ ինչ վտանգ է սպառնում մեր եվրոպական քաղաքակրթությանը, և որի համար դիմեցի ծնունդով՝ Ղարաբաղից, ազգությամբ՝ հայ մի անձնավորության, ով 25 տարի է, ինչ բնակվում է մեզ մոտ՝ Մորավիայում:

Աշոտ Առաքելյան՝ պատմաբան, նկարիչ, արվեստագետ, Խաչատուր Աբովյանի անվան հայկական պետական մանկավարժական համալսարանի Հայոց պատմության ամբիոնի պատվավոր անդամ, Չեխիայի, Հայաստանի և Ղարաբաղի նկարիչների միության անդամ, անձնավորություն՝ օժտված ամուր բարոյական սկզբունքներով, համաշխարհային պատմությանը քաջատեղյակ պատմաբան, ով կարող է պարզաբանել մեզ՝ եվրոպացիներին սպառնացող վտանգը:

-Քիչում եմ, քո արվեստանոցում երբեմն պատմում էիր անցյալի իրադարձությունների մասին: Երիտասարդ ժամանակ ունեցե՞լ ես կոնֆլիկտներ աղբյուրների հետ:

-Պետք է իմանալ, որ Լեռնային Ղարաբաղը Ադրբեջանին է կցվել 1920 թվականին: Խորհրդային տարիներին, երբ բնակչության 82-84 տոկոսը հայեր էին, 100-ից ավելի եկեղեցիներից չէր գործում ոչ մեկը, դպրոցներում արգելված էր «Հայ ժողովրդի պատմություն» առարկայի դասավանդումը, հեռուստատեսային և ռադիոհաղորդումները տրվում էին հայերեն՝ շաբաթական 2 անգամ, մեկական ժամով: Խորհրդային տարիներին գոյություն ուներ ժողովուրդների «եղբայրական» բարեկամություն, և ազգամիջյան դեպքեր հազվադեպ էին լինում:

-Անցյալ դարի 90-ական թվականներին բռնկվեց պատերազմ Ադրբեջանի դեմ՝ Լեռնային Ղարաբաղի համար: Հայերը հաղթեցին և բռնագրավեցին 4400 քառակուսի կմ տարածություն:

-Հայերը Լեռնային Ղարաբաղը չեն բռնագրավել, այլ վերականգնել են պատմական ճշմարտությունը: 1989-94 թթ. համազգային շարժումը վերածվեց բացահայտ պատերազմի: Ողջ հայ ժողովուրդը ոտքի ելավ, անգամ սփյուռքից հարյուրավոր հայ երիտասարդներ եկան օգնության: Հայերը տվեցին 5500, ադրբեջանցիները՝ 32-35.000 զոհ: Հայերի դեմ կռվել են նաև ադրբեջանցիներին օգնության եկած 1500 մոջախեդներ աշխարհի տարբեր վայրերից և Շամիլ Բասաևը՝ իր 300 մարտիկներով, որոնք խայտառակ պարտություն կրելով հետ են նահանջել: 1954 թվականին ադրբեջանական բանակը, որն այդ ժամանակ ուներ ավելի քան 60000 զինվոր, ընդունում է իր պարտությունը:

-Գիտե՞մ քեզ որպես եվրամիության միգրացիոն քաղաքականության մշտական քննադատ: Դու պնդում ես, որ իսլամական էթնիկը ամրապնդվելով մեզ մոտ՝ եվրոպայում, աստիճանաբար վտանգելու է քրիստոնեական օրենքների վրա հիմնված եվրոպական կուլտուրան: Այդ վտանգն իրո՞ք լուրջ է:

-Եվրամիության միգրացիոն քաղաքականությունը վտանգված է և այն չարդարացրեց իրեն: Եվ երբ մեղքը փնտրվում է այլուր, պետք է ընդունել, որ գլխավոր մեղքը եվրամիությանն է՝ իր «արտասովոր» օրենքներով: Յուրաքանչյուր օտարերկրացի լավ գիտի, որ նույն արարքի համար իր երկրում ավելի խիստ կպատժվի, քան եվրոպայում, այդ պատճառով էլ այստեղ իրեն անեն ինչ թույլ է տալիս:

Ընթերցողների ուշադրությանը կցան-



կանայի ներկայացնել հետևյալ վիճակագրությունը: 1960-ականներին եվրոպայում բնակվում էր 4-6 միլիոն մուսուլման և 120 քաղաքացուց այդ ժամանակ մեկն էր իսլամ: Այժմ եվրամիությունում բնակվում է 52 միլիոն մուսուլման, 10-15 միլիոն էլ առանց կարգավիճակի: Դա նշանակում է 8 եվրոպացուց մեկն այժմ մուսուլման է: 2050-60 թթ. եվրամիությունում բնակվելու է մոտ 100 միլիոն մուսուլման: 2500 թվականին, ըստ վիճակագրության, եվրամիությունում ունենալու է մեկ միլիարդ բնակչություն, որից միայն 100-120 միլիոնն է լինելու քրիստոնյա՝ այսօրվա 550 միլիոնից: Իսկ եթե Թուրքիան անդամակցի եվրամիությանը, դա նշանակում է՝ 4 քաղաքացուց մեկը կլինի իսլամ: Այժմ Բելգիայի, Հոլանդիայի և Բուլղարիայի բնակչության 25 տոկոսը, իսկ ծնվող երեխաների 50 տոկոսը մուսուլման է: Լյուքսեմբուրգի բնակչության 45-50 տոկոսը մուսուլման է: Իսկ եթե վերցնենք այն փաստը, որ ծննդաբերության տվյալներով եվրոպայում յուրաքանչյուր կին միջին հաշվով 1.5 երեխա է ունենում, իսկ մուսուլման կանայք՝ 4-6 երեխա, պետք է պատկերացնել, որ մոտ ապագայում եվրոպան կդառնա իսլամական երկիր: Եյֆեյան աշտարակի վրա ծածանվելու է մուսուլմանական դրոշը: 2500 թվականներին եվրոպայում որպես քրիստոնեական երկրներ մնալու են միայն Լեհաստանը, Հունգարիան և Իտալիան: Իսկ եթե ծննդաբերությունը Չեխիայում մնա նույնը, ինչ այժմ է, 1 կնոջը՝ 1.35 երեխա, ըստ Չեխիայի վիճակագրության կենտրոնի՝ 2100 թվականին այսօրվա 10 միլիոնանոց Չեխիան ունենալու է 6-7 միլիոն բնակչություն, իսկ վերջին չեխը կան չեխուհին կմահանա 2500 թվականներին:

1960 թվականին Չեխիայի բնակչու-

յան 15-17 տոկոսն էր թոշակառու, 2010 թվականին՝ 20-22 տոկոսը, 2050-2060 թվականներին՝ 24-26 տոկոսը: 100-120 հազար չեխուհիներ ամուսանցած են օտարերկրացիների հետ, իսկ դա շատերի համար եվրամիությունում քաղաքացի լինելու ամենակարճ ճանապարհն է: Ըստ վիճակագրության՝ Չեխիայի և եվրամիության կանանց 18-35 տոկոսը ի վիճակի չէ երեխա ունենալ:

Ժամանակին Մ. Կադաֆիի ասել է. «Իսլամն այժմ թրի պահանջ չունի, առանց այն էլ մի քանի տասնամյակ հետո եվրոպան խաղաղ ձևով կդառնա մուսուլմանական»:

-Եվրոպայում երբեմն տեղի են ունենում տեռորիստական հարձակումներ, որը վախի զգացողություն է առաջացնում: Ինչի՞ պետք է քրիստոնյաները մտածեն, թե իսլամը վտանգ է ներկայացնում քրիստոնյաներին համար, եթե իսլամի հետևորդների մեծ մասը պնդում է, որ այն խաղաղասիրական կրոն է:

-Երբ որևիցե մեկը նշում է խաղաղասիրական բառը, հասկանում են, որ նա Ղուրան չի կարդացել: «Աստվածաշունչը» թույլ է, այն կոտրում է մեր ներքին հպարտությունը, իսկ Ղուրանը մուսուլմանին ուժ է տալիս: Քրիստոնյաները նրանց համար անհավատներ են, և ոչ միայն անհավատներ, այլ մարդիկ, որոնք չունեն սրբություն և բարոյականություն: Իսլամը այլ կրոն չի ընդունում: Ղուրանում գրված է. «Ղուր, որ հավատում եք, մի՛ ընդունեք իրեաներին և քրիստոնյաներին որպես բարեկամներ, ձեզանից ովքեր նրանց հետ բարեկամանան, Աստծո հավատը նրանց կտանի ոչ ճիշտ ուղղությամբ» (Ղուրան, GXII):

-Կարծում եք բավարար է եթե մու-

սուլմանները մեզ մոտ հարմարվեն մեր կուլտուրային, օրենքներին, թե՞ մենք կընդօրինակենք նրանց:

-Եվրամիության քաղաքական գործիչների ինտեգրացիոն քաղաքականությունը չարդարացրեց իրեն, այլ բունեթանգի մնաց այն շրջվեց եվրոպացիների դեմ: Մուսուլմաններն ունեն այնպիսի ամուր օրենքներ, որ երբևիցե չեն հարմարվի ոչ մի այլ օրենքի: Ընդհակառակը, ամեն տարի 150-170 հազար քրիստոնյա իսլամ է ընդունում խառը ամուսնությունների պատճառով:

-Հրապարակախոս և գրող Բ. Կուրասը գրել է, որ այժմ «մենք պատերազմի մեջ ենք իսլամի դեմ և պետք է պաշտպանություն ու հստակ օրենքներ հրապարակել եկողների հանդեպ, միաժամանակ արգելել նրանց օրենքները մեզ մոտ(Հարիա, ջիհադ)»: Ի՞նչ կարծիքի եք:

-Եվրամիությունը պետք է ընդունի հստակ օրենքներ բոլոր ներգաղթյալների համար: Նրանք իրենք են իրենց կամքով գալիս մեզ մոտ և պետք է ընդունեն մեր օրենքները՝ լեզու, դպրոց, քրիստոնեություն և այլն: Բայց իրականում նրանք բացում են իրենց դպրոցները, մկրթները, ապա որոշակի ժամանակից հետո ամրապնդվելով անկախություն են պահանջում, ինչպես եղավ Հայաստանում, Բուլղարիայում, Ալբանիայում, Կոսովոյում, Կիպրոսում: Ցավոք, սա դեռ վերջը չէ, այլ սկիզբը:

-Մուհամեդի ծաղրանկարի համար որոշ եվրոպացիներ հատուցեցին կյանքով: Չե՞ք կարծում, որ դա հետդարձ է դեպի մի քանի հարյուրամյակ:

-Ցավոք, այդ հարցը շատ եվրոպացիներ լավ չեն պատկերացնում, որի համար կյանքով են հատուցում: Դենոկրատիա՝ չի նշանակում անարխիա, որ ով ինչ ցանկանա՝ գրի կան ասի: Դենոկրատիա բառը հին հունական բառ է, որ նշանակում է դեմոս-ժողովուրդ և կրատոս-սիրել, սիրում են: Դա նշանակում է, որ պետք է հարգել դիմացինին և չծաղրել նրա օրենքները: Ղուրանում գրված է. «Ով վիրավորի Մուհամեդին, նրան սպասվում է ցավալի պատիժ» (Ղուրան, CXI):

-Ժամանակին դու ասել ես, որ Հայաստանն աշխարհի միակ քրիստոնեական երկիրն է, որտեղ մուսուլման չի բնակվում, որ Ղարաբաղյան պատերազմի ժամանակ բոլորին քշել եք: Ի՞նչ խորհուրդ կարող ես տալ մեր եվրոպական երկրներին: Կարո՞ղ են օրինակ վերցնել Հայաստանից:

-16-17-րդ դարերում իսպանացիները բոլոր արաբներին արտաքսեցին Իսպանիայից հետո՝ դեպի իրենց երկրները: 1984-94 թթ. ադրբեջանցիները Ադրբեջանից արտաքսել են 500 հազար հայերի, իսկ հայերը Հայաստանից՝ 350 հազար ադրբեջանցիների: Այժմ Հայաստանն աշխարհի միակ պետությունն է, որ չի բնակվում ոչ մի մուսուլման:

Եվրոպացիներին սպասվում է ծանր վիճակ: Կամ եվրոպան պետք է անի այն, ինչ արեցին Իսպանիան և Հայաստանը, կամ էլ պարտադրի նրանց՝ ընդունել եվրոպական մշակույթն ու քրիստոնեությունը: Այլապես կարծում են երրորդ համաշխարհային պատերազմը քրիստոնյաների և մուսուլմանների միջև կլինի առաջիկա 50 տարվա ընթացքում, և այն ավելի ահավոր կլինի, քան անցյալի պատերազմները:

Հակառակ դեպքում, մոտ ապագայում, եվրոպան կդառնա մուսուլմանական, իսկ քրիստոնյաները կմնան պատմության մեջ որպես անհետացած քաղաքակրթություն: Չեր հետագա սերունդները ամաչելու են ձեր փոխարեն: Դեռ ուշ չէ, մտածեք այդ մասին:

(Օգտագործված փաստերը վերցված են Չեխիայի, եվրամիության և ՄԱԿ-ի վիճակագրական կենտրոնից):



Այսօր կրթության տեսաբանները, ինչպես նաև այդ ոլորտի բազմաթիվ պատասխանատուներ, առաջավոր գաղափարների տեր ուսուցիչներ գտնում են, որ աճող սերնդի մեջ բացակայում են ուշադրությունը, հոգատարությունը, ապրումակցումը շրջապատի նկատմամբ: Այս խնդրով մտահոգված է ողջ աշխարհը: Պատահական չէ, որ անընդհատ ներկայացվում են և քննարկվում հումանիտական կրթությանը և դաստիարակությանը վերաբերող հայեցակարգեր, մշակվում են և իրականացվում ծրագրեր: Ավելի ու ավելի են գիտակցվում անձնակողմնորոշված, աշակերտակենտրոն կրթադաստիարակչական գործընթացի առավելությունները և դրանց՝ կրթությունը հումանացնող հնարավորությունները: Արդի մանկավարժության մեջ պրակտիկորեն ապացուցված է, որ հումանիտական կողմնորոշմամբ կրթության հիմքում ընկած են համագործակցության, ուշադրության, հարգանքի, հանդուրժողականության, ապրումակցման, անկեղծության, պահանջկտության և սիրո ինքնատիպ դրսևորումները:

Սակայն կյանքը մեզ հանգեցնում է այլ եզրակացության. գնալով շատանում է անմարդկայնությունը, անհանդուրժողականությունը, կեղծիքը, հարբեցողությունը, թմրամոլությունը, ընտանեկան բաժանությունները, մանկապղծությունն ու մարդկանց տարաբնույթ շահագործումը: Նշանակում է՝ «Ինչ որ տեղ ինչ-որ բան այնպես չէ...»:

Առանց հումանիստ ուսուցչի հնարավոր չէ իրականացնել հումանիտական կրթություն: Ուսուցչի հումանիստական գործունեության ուղղությունը կրթության էական բաղադրիչն է: Այս մոտեցումն ունի պատմական արմատներ:

ՃՈՒԼԻԵՏԱ ԳՅՈՒԼԱՍԻՐՅԱՆ

ՄԱՆԿԱՎԱՐԺԱԿԱՆ ԿՐԹՈՒԹՅԱՆ ՀՈՒՄԱՆԻՏԱՐՈՒՄԸ՝ ՀՈՒՄԱՆԻՏԱՐՈՒՄՈՍ ՈՒՍՈՒՑՉԻ ՊԼՏԻՄՍՏԻՄ ԻՐԱԿԱՆ

Հումանիստ մանկավարժները, անկախ նրանց հայեցակարգային սկզբունքների գաղափարաբանությունից, դաստիարակչական գործընթացի (թե՛ դպրոցում, թե՛ ընտանիքում, թե՛ հասարակության մեջ և թե՛ պետության քաղաքականության մեջ) կենտրոնում դնում են երեխային, նրա անձն ու շահերը՝ կարևորելով նրա ինքնահիշատակում ու ինքնագարգացումը: Ըստ գերմանացի մանկավարժ Ֆ. Ֆրեյդի՝ հումանիստական դաստիարակության էությունը սերն է երեխայի նկատմամբ, նրան նվիրած ժամանակը և դաստիարակողի անձնական օրինակը. «Ոչինչ ավելի», - ամփոփում է հումանիստ մանկավարժը:



սերնդի կրթությամբ մտահոգվող ազգային գործիչները կարևորել են ուսուցչի անձը, նրա կենսական արժեքները, նրա վարած կյանքն ու անձնային սկզբունքները: Օրինակ, թունիսյան գործընթացը պիտի այնպես կազմակերպվի, որ նա առաջին հերթին դառնա դաստիարակ, ընկեր, համախոհ, հետո նոր՝ ուսուցիչ, դասատու, ով սովորեցնելուց ու դաստիարակելուց առաջ իր սաներին վերաբերվի սիրով և ըմբռնումով:

Հումանիստական կրթադաստիարակչական գործունեություն ծավալելու համար, բնականաբար, ենթադրվում է, որ մանկավարժական կրթության ողջ գործընթացը՝ կրթական միջավայրը, կրթության բովանդակությունն ու մեթոդները, կազմակերպման ձևերն ու սկզբունքները, պիտի ունենան հումանիստական ուղղվածություն:

Այսօր էս. Աբովյանի անվան ՀՊՄՀ-ում իրականացվող բարձրագույն մանկավարժական կրթության ողջ համակարգը ուսումնական գործընթացի բոլոր մակարդակներում կրում է հումանիստական և հոգեբանամանկավարժական ուղղվածություն: Այն դրսևորվում է ոչ միայն բուն ուսումնական գործընթացում, այլև առանձին ուղղություններով իրականացվող սեմինարներով, ուսումնական հետազոտական կենտրոնների ստեղծմամբ, ուսանողական գիտական ընկերությունների թեմատիկ դասընթացներով և այլն:

Ուսումնական պլանների, առարկայական ծրագրերի, նկարագրերի վերակառուցումը միտում ունի նպաստելու համալսարանում իրականացվող աշխատանքի բովանդակության, ձևերի և մեթոդների մանկավարժական հոգեբանական ուղղվածությանը, արդիական մեթոդիկաների և հոգեբերական տիկային դասընթացների ու գործնական աշխատանքների ներդրմանը, որոնք նպաստում են անձի սատարմանը: Դրանք նպաստում են նաև միջամենային հարաբերությունների, բարեկիրք վարքի, ուսուցանողի և ուսուցանողի հարաբերությունների, լեզվի և կանոնների տիրապետմանը, ձևավորում են ապագա մասնագիտության մեջ ծագող հիմնախնդիրների նկատմամբ առավել խոր ըմբռնում և զգայուն վերաբերմունք, նպաստում են ընդլայնելու մասնագիտական հետաքրքրություններն ու շփումները:

Մանկավարժական կրթության հումանացման արդի միտումներն առաջին հերթին պայմանավորված են կրթության գերնպատակը հանդիսացող մանկավարժական իդեալների՝ դեպի նոր՝ 21-րդ դարի մարդու ձևավորման ուղղվածությամբ: Այն առաջին հերթին անձի ինքնավստահության, ինքնագնահատականի կարևորումն է, բարձր ինքնագիտակցության ձևավորումը, նրա ինքնակայացման և ինքնագարգացման համար բարենպաստ միջավայրի ստեղծումը:

Կրթության հումանացման, ուսուցչին կախյալ վիճակից «ազատագրման» գաղափարներում կարևորվում է անձի՝ հասարակության կողմից ճնշման ազատագրումն ապահովող միջոցներով զինված ուսուցչի պատրաստումը: Գերմանացի մանկավարժ Ռոջերսի «Հումանիստ ու-

սուցիչ» տեսությունը դիտարկվում է որպես ինքնահիշատակ, բարդ, հակասական և սեփական «ես»ը բացահայտող ու խորը ինքնաճանաչման ու ինքնագնահատման միտված բազմաբաղադրիչ գործընթաց: Միայն այդպիսի ուսուցիչը կկարողանա ազատագրվել «վերևից» թելադրվող, ընդունված և տարիների ընթացքում «բարացած» կախյալ վիճակից և օգնել իր սաներին լինել ազատ, ինքնուրույն և բացահայտել իր ակունքները, իր էությունը, իր սկիզբն ու ընթացքը, առավելագույն կայանալ ոչ թե ուրիշների, այլ ինքն իր հետ մղած պայքարում:

Խորհրդային կարգերի կրթության գործընթացի գերխնդիրը սովորողներին գիտական գիտելիքներով զինելն էր: Հասարակարգի վերջին տարիներին՝ մասնավորապես նրա փլուզումից հետո, կրթության ոլորտի կազմակերպիչները, պատասխանատուները, ինչու չէ՛ նաև ողջ հասարակությունը համոզվեց, որ միայն մարդու ինտելեկտը, մտավոր կարողությունները բավարար չեն լուծելու համար նրա առջև ծագած բազմաթիվ խնդիրները, գտնելու նրան ոչ միայն ծիշտ ապրելու կանոններով, ոչ միայն ի շահ հայրենիքի, ժողովրդի, այլև ի բարոյություն իրեն: Այսպես ապրելու համար մարդը պիտի ապրի հումանիստական հասարակության մեջ: Հասարակության հումանացումն հնարավոր չէ իրականացնել միայն բանիմաց, խելացի, բարձր մտածական կարողություններ ունեցող մարդկանց միջոցով, անհրաժեշտ են զգայուն, ապրումակցող, ազատ գործունեություն ծավալող և այդ գործընթացում հանդուրժողականության և համագործակցության որակներ դրսևորող, զարգացած զգացմունքային ոլորտներին տիրապետող մարդիկ: Այս հիմնախնդրով այսօր, բնականաբար, մտահոգություններ ունեցող և դրանց լուծման ուղղությամբ գործունեություն ծավալող հաստատություններ և անհատներ շատ կան. մշակվում են և գործադրվում արդիական ծրագրեր, ձևեր, աշակերտների շահերը հաշվի առնող դասացուցակներ, ընտրվում են հատուկ առարկաներ, ուսուցման տարաբնույթ անհատականացման ձևեր, ստեղծվում են ինքնատիպ դպրոցներ, դասարաններ: Սակայն կյանքը մեզ հանգեցնում է այլ եզրակացության. գնալով շատանում է անմարդկայնությունը, անհանդուրժողականությունը, կեղծիքը, հարբեցողությունը, թմրամոլությունը, ընտանեկան բաժանությունները, մանկապղծությունն ու մարդկանց տարաբնույթ շահագործումը: Նշանակում է՝ «Ինչ-որ տեղ ինչ-որ բան այնպես չէ...»:

Մեր կարծիքով, բանն այն է, որ թե՛ հանրակրթության, թե՛ բարձրագույն կրթության ոլորտներում իրականաց-

նրանց էությունը խորապես զգալով: Այդ դեպքում ցանկացած իրադրության մեջ ուսուցիչն աշակերտին կհասկանա, նրա համար կդառնա մտուռից, առաջատար հեղինակություն: Այս համագնացում ուսուցիչն նոր պահանջ է ներկայացնում: Այն առաջին հերթին վերաբերում է նրա անձնային որակներին, վարքին, անգամ նրա գրավչությանը՝ հմայքին:

Այսպիսի ուսուցիչ պատրաստելու համար, բացի մասնագիտական ներառական կրթությունից, կարևոր է ընդհանուր մանկավարժահոգեբանական խորը և բազմակողմանի պատրաստություն, ընդհուպ մինչև հատուկ՝ մարդու ծագման, մարդկային իմաստության ձևավորման ուղիներին նվիրված հատուկ ուսումնական դասընթացներ, ընտրովի սեմինարներ:

Հումանիստ ուսուցչի կերպարի ձևավորման և անբողջացման, նրան արդյունավետ մանկավարժական, անձնակողմնորոշված գործիքներով զինելու խնդիր լուծումը միտված է ինքնադրսևորման, ինքնահիշատակում, ինքնավերլուծության, ինքնակրթության, ինքնագնահատման պատրաստ անձնավորության դաստիարակությանը: Ուսուցչի պրոֆեսիոնալ պատրաստության գործընթացի առաջատար դիրքորոշումը մենք տեսնում ենք հենց այս համատեքստում, որի ծիրում մենք կարևորում ենք մանկավարժական կրթության ընթացքում ապագա ուսուցչի՝ փոքրիկ մարդու մեջ եղածը, ի ծնն ունեցածը, նրա իսկական «ես»-ը բացահայտելուն նպաստող, այդ ճանապարհին փոքրիկին օգնող որակների, ցանկությունների, շարժառիթների ձևավորումն ու զարգացումը: Այստեղից հետևում է, որ մանկավարժական կրթության նպատակներն ու բովանդակությունը պիտի կառուցվեն ապագա ուսուցչի անձնային որակների և պրոֆեսիոնալ ունակությունների միասնության վրա, այն համոզմունքով, որ արդյունավետ կրթություն հնարավոր է իրականացնել միայն ուսուցիչ-աշակերտ անձնական հումանիստական փոխհարաբերությունների դեպքում:

Հիմք ընդունելով ուսուցիչներին ներկայացվող արդի պահանջները, որոնք պայմանավորված են կրթության հումանացման գաղափարներով և, բնականաբար, առաջին հերթին միտված են հումանիստ ուսուցչի պատրաստմանը, մանկավարժական բուհն ապրում է վերակառուցման, զարգացման կարևոր շրջադարձ՝ դեպի ուսանող, դեպի նրա անձը, դեպի նրա այն կարիքները, որոնց բավարարման մակարդակով և այդ գործընթացի արդյունավետությամբ էլ պայմանավորված է հումանիստ մարդու ձևավորումն ու զարգացումը:

ՀՊՏԻ ԳԻՏԱՎԵՏԱԶՈՏԱԿԱՆ ԿԵՆՏՐՈՆ

ՄԱՆԿԱՎԱՐԺԱԿԱՆ ԿՐԹՈՒԹՅԱՆ ԶԱՐԳԱՅՄԱՆ ԸԱՅՅԵՑԱԿԱՐԳ

Խաչատուր Աբովյանի անվան հայկական պետական մանկավարժական համալսարանի Գիտահետազոտական կենտրոնը հրատարակել է մանկավարժական տեսության եզակի փաստաթուղթ՝ «Մանկավարժական կրթության զարգացման հայեցակարգ»:



ԳԻՏԱՎԵՏԱԶՈՏԱԿԱՆ ԿԵՆՏՐՈՆ
ՄԱՆԿԱՎԱՐԺԱԿԱՆ ԿՐԹՈՒԹՅԱՆ ԶԱՐԳԱՅՄԱՆ ՀԱՅՅԵՑԱԿԱՐԳ

Խաչատուր Աբովյանի անվան հայկական պետական մանկավարժական համալսարանի Գիտահետազոտական կենտրոնը հրատարակել է մանկավարժական տեսության եզակի փաստաթուղթ՝ «Մանկավարժական կրթության զարգացման հայեցակարգ»:

Մանկավարժական կրթության զարգացման հայեցակարգը ուղղված է մանկավարժական կրթության արդի վիճակի բարելավմանը և նրա առաջնահերթ զարգացման ապահովմանը: Այդ մասին են վկայում 4 բաժինները, որոնք կոչված են վերոնշյալ խնդիրների լուծմանը: Բարձրագույն մանկավարժական կրթական համակարգի զարգացման միտումները, մանկավարժական կրթության համակարգի առկա վիճակը և հիմնախնդիրները, մանկավարժական կրթության արդիականացման հիմնական ուղղությունները, մանկավարժական կրթության բարեփոխման առաջարկությունները և հեռանկարային զարգացումները բաժինների ներքո առավել ընդգրկում ու համակողմանի վերլուծության են ենթարկում մանկավարժական կրթության զարգացման ռազմավարական քայլերը, մարտահրավերներն ու միտումները:

ԹԱՆԳԱՐԱՆԱՅԻՆ ՇՐՋԱՅՑ

Կրթության Զոգեբանության և սոցիոլոգիայի ֆակուլտետում մեկնարկեց «Թանգարանային շրջայց» ծրագիրը: Ֆակուլտետի առաջին կուրսի ուսանողներն այցելեցին Հայկական պետական մանկավարժական համալսարանի թանգարան, որը հիմնադրվել է համալսարանի 90-ամյա հոբելյանի կապակցությամբ: Թանգարանի տնօրեն Ա. Գրիգորյանը շնորհավորեց առաջին կուրսեցիներին նոր ուսումնական տարվա կապակցությամբ, նրանց մաղթելով լիներ արժանի ուսանողներ և իրենց վաստակն ունենալ հետագա սերունդը կրթելու գործում: Այնուհետև բարձր կուրսերի ուսանողները, որպես էքսկուրսավարներ ծանոթացրեցին համալսարանի պատմությանը, Հայրենական և Արցախյան պատերազմներում Հայկական պետական մանկավարժական համալսարանի մասնակցությանն ու երկրի կայացման մեջ նրա դերակատարմանը: Ամբողջ ընթացքում ուսանողներին ուղեկցեցին Անժելա Գաբրիելյանը և Գայանե Նազարյանը: Էքսկուրսիայի ավարտին ուսանողները իրենց տպավորությունները գրեցին հուշամատյանում:



Մանկավարժական համալսարանը հյուրընկալել էր բուհի նախկին՝ պատմալեզվաբանական ֆակուլտետի 1963-1964 ուսումնական տարվա շրջանավարտներին: Հյուրերը շրջեցին բուհի թանգարանում և ներկա ուսանողներին հենց իրենք պատմեցին բուհի պատմությունն ու հետաքրքիր և զավեշտալի դեպքեր իրենց ուսանողական տարիներից: Կես դար անց, կրկին հավաքվելով հարազատ բուհում, շրջանավարտները,



Կես դար անց՝ կրկին Մանկավարժական համալսարանում

մեկը մյուսին հերթ չտալով, մեծ ոգևորվածությամբ վերհիշում և պատմում էին իրենց ուսանողական տարիներից հիշարժան դրվագներ: Շրջանավարտ, լրագրող Արթուր Նավասարդյանն իրեն համարում է այն եզակի երջանակներից, ում բախտ է վիճակվել ուսանել հենց Մանկավարժական համալսարանում: «Երջանակ ենք, քանզի մեզ դասավանդել են մեծ գիտնականներ և անփոխարինելի դասախոսներ: Հենց այդ միջավայրում էլ մենք սովորել, կրթվել, դաստիարակվել ու դարձել ենք իսկական մանկավարժներ: Այս համալսարանական միջավայրը դաստիարակել է շատ հայտնի մարդկանց՝ Հրանտ Մաթևոսյան, Ռազմիկ Դավոյան, Արամայիս Սահակյան, Կառլեն Հակոբյան և այլն: Շատ ուրույններում ու բնագավառներում են աշխատել, սակայն նախևառաջ եղել ու մնացել են մանկավարժ: «Ինչ գործունեությամբ էլ, որ զբաղվել են, երբեք չեն կարվել մանկավարժությունից»,- ասաց Արթուր Նավասարդյանը և վստահեցրեց, որ երբեք չի մոռանա իր հարազատ բուհն ու հրաշալի ուսուցիչներին:

Մանկավարժական համալսարանում բազում տարիներ դասավանդած մանկավարժ, պրոֆեսոր Գրավիկ Բաբայանը հուզված վերհիշում է՝ հենց այս պատերի ներսում է եղել այն հանրակացարանային սենյակը, որտեղ բոլորով բնակվել են: «Այս բուհն մեզ համար տունն է եղել. այստեղ մենք ապրել, սովորել ու կրթվել ենք: Ինձ համար այն տունուտեղ ու աղուհաց էլ. իմ ընտանիքի բոլոր անդամներն այստեղ են սովորել, որոշներն էլ աշխատել»,- նշեց Գրավիկ Բաբայանը և ներկա ուսանողներին հորդորեց՝ հետաքրքիր ու հիշարժան անցկացնել ուսանողական տարիները, փայտալի անզին այդ հարստությունը, քանզի դրանք իրենց կենսագրության ամենավառ ժամանակահատվածն են: Մանկավարժ Եմմա Հակոբյանն ևս ամեն անգամ բուհն ուր է դնում նոր ու հետաքրքիր զգացողություններով: «Հաճախ են այցելում հարազատ բուհը և ամեն անգամ ուրախությամբ ակնատես են լինում նոր առաջընթացների: Բուհն այսօր հազեցած է նոր տեխնոլոգիաներով, իսկ ուսանողներին ընծեմված է ուսանելու լավագույն հնարավորությունները, պարզա-

պես պետք է նրանք մի փոքր էլ ավելի մեծ ոգևորվածություն դրսևորեն»:

Թանգարանի տնօրեն Ավարդ Գրիգորյանը նշեց, որ ՀՊՏԻ թանգարանը մշտապես հանդես է գալիս ամենատարբեր նախաձեռնություններով. բուհի պատմությանը, գործառնությունների ծանոթացնելը, դրանք հանրահռչակելուց զատ, թանգարանը մշտապես կապ է ստեղծում շրջանավարտների հետ, ովքեր հաճախ գալիս են և համալսարանի պահոցն ու ֆոնդերը հարստացնում նոր ու կենդանի նյութերով:

Տերեկույթի ընթացքում կուրսերը հիշեցին նաև իրենց շարքից բացակասներին, իսկ լրագրող Արթուր Նավասարդյանը ներկայացրեց բանաստեղծ Ռազմիկ Դավոյանի բանաստեղծություններից մեկը, որի ռուսերեն տարբերակի առաջին թարգմանիչը ուսանողական տարիներին հենց ինքն էր:

Հյուրերը հեռացան վառ հիշողություններով՝ խոստամալով շարունակել հաճախակի այցելել իրենց հարազատ բուհ:

Սոնա ԱՐԱՄՅԱՆ

ՏԱՌԵՐԸ ԿՊԻՇՆԵՆ

Շատ-շատ տարիներ առաջ, երբ ես դեռ նոր էի դարձել տառաճանաչ, հյուր էի գնացել գյուղ՝ տատիկիս, պապիկիս, մորեղբորս և նրա փոքրահասակ երեխաներին տեսնելու: Այցելությունների օրերը կախված էին մայրիկի աշխատանքից, և այդ օրերը՝ ուրախությամբ լեցուն, տոնի էին վերածվում ինձ համար: Գյուղն ինձ համար առեղծվածային էր բոլոր առումներով: Երազանքով, հեքիաթներով լի այդ օրերն այսօր առավել ջերմ ու կարոտով են մտաբերում: Ինչե՞ր չէի տա՝ գեթ մի օրով այդ ամենը ետ բերելու: Աստված իմ, որքա՞ն անհոգ, որքա՞ն ուրախ էին անցնում այդ անմոռանալի օրերը, ժամերը, վայրկյանները: Միտս կծկվում է՝ վերհիշելով մանկության իմ հրաշք պահերը: Իսկ դրանք չեն բացատրվում, ինչպես երբևէ չեն բացատրվում արևը, սերը և կամ երեխան:

Ինչպես միշտ, այդ օրն էլ բոլորի հետ հանդիպումս անչափ ջերմ էր. կարոտել էինք իրար: Մենք, միմյանց ընդհատելով, հարցեր, հարցեր, անթիվ հարցեր էինք ուղղում: Երբեմն նույնիսկ այնպես էր պատահում, որ խոսում էինք՝ առանց իրար լսելու: Բայց դրանից մեր ջերմությունը չէր նվազում: Ահա այդ պահին էր, որ քաղաքից վերադարձավ քեռիս՝ ձեռքին մի կապոց: Նա խորհրդավոր նայեց

բոլորիս և հանդիսավոր հայտարարեց, որ գրքեր է գնել Անուշավանի՝ իր ավագ որդու համար:

Տեսնել էր պետք, թե դա ինչ ուրախություն պատճառեց բոլորին: Անուշիկը՝ իբրև ավագ թույրիկ, շատ մեծավարի հայտարարեց, որ ճիշտ է, գրքերը «ապերիկին են», բայց ուզում են, որ ես կարդամ, իրենք լսեն:

Բնականաբար, ես էլ՝ որպես ավագ թույրիկ, հանձն առա այդ պատվաբեր և պատասխանատու գործը. վերցրի գրքերը, նախ սկսեցի ուշադիր թերթել, ապա ընտրեցի դրանցից ամենապատկերազարդը, լավ տեղավորվեցի թախտին, որ դրված էր պատշգամբում, և սկսեցի կարդալ: Սկզբում բոլորը համակ ուշադրությամբ ունկնդրում էին. լսելի էր նրանց շնչառությունը: Դա ինձ շատ ոգևորեց, և ես շարունակեցի կարդալ՝ փորձելով ընդօրինակել իմ մայրենիի ուսուցչուհուն՝ ընկեր Մինասյանին:

Բայց հանկարծ Անուշավանը սկսեց բարձրաձայն հեկեկա լև հեկեկոցի միջից.

- Մի՛ կարդա, մի՛ կարդա...
- Բայց ինչն է, լավ չե՞մ կարդում,-հարցրի ես զարմացած:
- Չէ՛, լավ ես կարդում, բայց էլ մի՛ կարդա, տառերը կպոծեն, բա ես հետո ի՞նչ պիտի կարդամ,- պատճառաբանեց փոքրիկ Անուշավանը:



Ես և Անուշիկը ծիծաղից սկսեցինք գլորվել թախտին: Իսկ այդ պահին փոքրիկը արագ-արագ հավաքեց գրքերը և փակվեց իր ննջարանում:

Երբ մենք ներս մտանք, նա արդեն թաքցրել էր իր՝ «պոծող» տառերով գրքերը և հանգիստ շունչ էր քաշում:

Հետո մեզ միացան մորեղբայրս, նրա կինը, և բոլորս փորձեցինք համոզել, որ տառերը չեն կարող «պոծել»: Փոքրիկ, միամիտ այդ էակին, սակայն, այդ օրն այդպես էլ չհաջողվեց հակառակը համոզել:

Այդպիսին են փոքրիկները, անվերձանելի, անբացատրելի...

Կարդիքեր ՄՐՄՆՅԱՆ
Մայրենիի և նրա դասավանդման մեթոդիկայի ամբիոնի դասախոս, մզթ

Գլխավոր խմբագիր՝ Սիլվա ԱՐՄՅԱՆ
Էջարդումը՝ Պետրոս ՎԱՐԴԱՆՅԱՆԻ
Համարի պատասխանատու՝ Սիլվա ԱՐՄՅԱՆ

Գրանցման վկայական՝ 01Մ00184 տրված է 26.03.2008 թ.
Հասցեն՝ Տիգրան Մեծի 17, հեռ. 59-70-97:
Էլ. փոստ՝ asryansilva@gmail.com
Տպագրված է «Տիգրան Մեծ» հրատարակչության տպագրատանը:
Հասցեն՝ Արշակունյաց 2
Տպաքանակը՝ 1800 օրինակ: Ծավալը՝ 2 տպ. մամուլ

Թերթի նյութերի արտատպումներն առանց խմբագրության համաձայնության արգելվում է:
Հղումը պարտադիր է:
Հանձնված է տպագրության 29.09.2015 թ.